

馮氏錦囊秘錄雜症大小合叅卷三

男 乾亨禮齋

海鹽馮兆張楚瞻甫纂輯 明人王崇志慎初全較

男 乾正立齋

敬陳纂輯大小合叅意

夫醫專司命之重學習可不精詳故毋論方脉幼科女科
外科不可不廣博羣書究心切脉由博及約則認病無差
理路既明用藥自當卽外科徒驗外見之症而不察脉候
之微則何以審氣血之盛衰陰陽之偏勝而明臟腑之所
屬以得治療之無誤也至於幼科尤宜叅看方脉諸書蓋

兒科謂之呻科。疾病痛苦。勿能告人。全賴治者。細心詳察。奈幼科諸書理淺言畧。難明病源。惟以小兒不節飲食爲執見。最重消磨。更以純陽之子爲定論。恣投寒苦。孰知易停滯者。脾氣必虛。若圖見小効於目前。則便遺大害於日後。況芽兒易虛易實。言虛者。正氣易於虛也。言實者。邪氣易於實也。然邪湊之實。必乘正氣之虛。不顧正氣之虛。惟逐邪氣之實。其有不敗者。幾希。如寒傷榮也。溫養榮陰。風傷衛也。辛調衛氣。惟調榮衛和平。而宣行客邪。不攻而自退。使正氣自行逐賊。則邪退而正氣安。然如浮雲一過。天日昭明也。若投與氣血無情之猛劑。則客邪雖散。正氣亦

傷乘虛之邪接踵可至。要知正氣不至空虛邪。必不能湊而爲實。至於云純陽者。以無陰而謂乃稚陽耳。其陽幾何。陰氣不全而復敗其陽。將何所而望其生長耶。况天地之氣化日薄。男女之情性日囂。幼稚之稟受日弱。有稟父之陽氣不足者。多犯氣虛中滿。有稟母之陰血不足者。多犯陰虛發熱。患痘則多犯腎虛內潰之症。此皆先天不足所致。近來比比皆然。若徒効上古尅削寒涼。如肥兒丸。蘆薈丸之類。則千中千死。即使火之有餘。實因水之不足。壯水以制陽。光先賢之至論。服寒涼者百不一生。古哲之格言。以不生之藥投欲生之兒心。何忍哉。至於脾胃。自能消穀。

偶有停滯者。緣消穀之脾胃病也。只助其能調其病而自已。故有助脾消化。推揚穀氣者。有稟命門火衰。則補火生土者。有一消一補者。有純以補爲消者。蓋恐寬一分更耗一分元氣也。人之有生。惟一氣耳。易虧難復。可輕耗哉。况天地之氣既薄。父母之氣既衰。幼稚之稟既虧。可不根究先天之陰虛陽虛。而從方脉諸書。水源探本。爲治靡不響應。合宜。既不能挽回此代。失一元氣於後天。便是培植後代赤子。元氣於先天。誠爲壽世無疆矣。若徒宗上古幼科淺畧方論。則猶灌溉樹木者。不顧根本。而惟潤飾枝葉。則欲望其生長。未之有也。况更加戕賊者乎。張所以有大小合

叢之集。幸高明鑒諸。

論初誕

夫天地肇分陰陽始成。五行而具體合四時以成形。一身象備一天。九臟類諸九。有父之精白而輕清。母之血黑而重濁。故陽胎氣則輕清。九分陰胎氣則重濁。十分益陰氣不勝其陽。則成男。陽氣不勝其陰。則成女。妊娠十月。各有所主。一月如珠。露二月綻似桃花。三月男女始分。男子先生左脇。左眼。左腎。女則反之。四月形體全。五月筋骨成。六月毛髮生。七月遊其魂。能動左手。八月遊其魄。能動右手。而臟腑具。九月三轉動。穀氣入胃。十月滿足。神備而生。

然究其實。則止二百七十。日實爲定論。於中虛計。一月以應十月數也。故經曰。九九。而上八。八八次之。七七又次之。凡人之生。稟受二儀之氣。會合三才之道。若三才各得其九。則三九二十七。卽二百七十日而生。血氣充足。精神純實。相貌皆全。智性具通。八八者。三八二十四。卽二百四十日而生。七七者。三才各得其七。三七二十一。卽二百一十日而生。踰十月而生者。謂之太過。七八月而產者。謂之不及。太過者。血氣陰之有餘。不及者。血氣養之不足。大抵人得中道。乃卽純粹。陰陽得所。剛柔兼濟。氣血俱和。百脉相順。心智明通。精神全備。臟腑充實。形體壯健。觀其顱顱。斯可。

知矣未週之兒。顱顎堅合。睛黑神清。口方背厚。骨粗盤滿。
肚軟臍深。莖小卯大。齒細髮潤。聲洪睡穩。氣壯聲清。形緊
色紫。此乃受氣得中者也。如二三週。顱尚解開。手足攣縮。
齒髮未生。膝如鶴節。或五歲不行。手細脊瘦。色白形萎。氣
怯聲濁。此皆受氣不足者也。受氣有六。筋骨肉血精氣是
也。筋實則多力。骨實則早行立。血實則形瘦多髮。肉實則
少病。精實則靈利多語笑。而不怕寒暑。氣實則少髮而體
肥。然有外肥裏虛面㿠白。巴腹中氣響。嘔吐乳食。或便青
糞頭大顫。閉此乃胎氣最弱。調理失宜。多變慢驚。

先後天陰陽論

人之元氣一太極也。太極動而生陽。靜而生陰。陽動則爲火。陰靜則爲水。水者精也。神者元氣之體。所以立也。火者。神也。神者元氣之用。所以行也。陽動陰靜。初生精神。次生魂魄。意以配五行。五行立而五性具。五性具而七情生矣。水者陰也。火者陽也。一爲口一屬命門。命門謂之神門。男子藏精。女子繫胞。元氣之根本精神之所舍也。故腎命門爲元氣之原。而居至陰之下。左尺腎冰之真陰。則生左關。肝木。肝木則生。左寸之心火。右尺命門火之元陽。則生右關脾土。脾土則生。右寸之肺金。自下而生。上此先天之元氣也。至於火生土。金生水。復自上而下。此後天之元氣也。

先天之元氣由無形以肇生五行。後天之元氣從有形之五行以壞運。先天陰陽無形之氣陰陽合德而生魂魄神志意之神。爰有喜怒憂思悲恐驚懼之情。此其性真之七情也。若過極則反損先天陰陽之氣。

後天陰陽有形之氣何以別之。受生之初即稟母脾胃之穀氣以養其形。是脾胃之穀氣實根於先天無形之陰陽而更化生乎後天有形之氣血也。苟從飲食勞役所傷則損後天陰陽之氣。而腎命門之真陰元陽不足固不能爲十二經之氣血以立天元。脾胃之穀神不充更不能爲腎命門之真陰原陽以續命脈。而先後天厚薄之所由也。以

先天元陰受傷。神多昏昧。至夜便多不安。及將睡時。驚駭不寐。則怕人而不寧。心慌驚跳。神魂蕩漾。此爲神思間無形之火動也。治宜大補真陰。兼以安神。則火自降而神自治。然先天無形元陰之氣不足。切不可用參朮黃芪。惟地黃丸。補真陰。眞陽之屬。可以填之。蓋甘溫。但補五藏之陽氣。而甘寒。則補五藏之真陰。然用補陰藥。而不愈者。乃功之未到。而虛之未回。藥非百數。功非歲月。則不能挽回也。然此惟不服藥。便覺火動不安者。是其驗也。

先天無形元氣之陰者。卽我腎水之母氣。稟受元精之祖氣也。其真陰之本體。則深藏於左腎之中。其真陰之妙用。

則默運於精神之內。故曰無形也。苟有所傷其真陰。則令精神恍惚。夜臥不安。目則睭眇。羞明怕日。或惡人與火。喜靜畏動。所喜所見皆陽也。此由父母多慾。素傷腎氣。或因交感之際。偶從七情損其真陰。及至後天已之色。慾七情復不撙節。生後竝傷。欲不虛勞。疾病焉可得乎。治療之法。當溫存內養。保其殘敗之陰。補益陰陽。助其生長之力。然陽火易救。陰水難求。故先天元陰之真水不足。自非歲月計功。不能斡旋。蓋一星之火。能燒萬頃之山。一杯之水。難救車薪之火也。

小兒受病總論

夫小兒如草頭之露。水上之泡。用藥不可不謹也。然小兒之病多因脾胃嬌嫩。乳食傷積。痰火結滯。不成其症。不舉其尤者而言之。乳食傷胃則爲嘔吐。傷脾則爲泄瀉。吐瀉既久。則成慢驚。或爲疳病。乳食停積。則生濕痰。痰則生火。痰火交作。則爲急驚。或成喉痺。痰火結滯。則成癟弔。或爲瑞嗽。胎熱胎寒者。稟受有病也。脣風撮口者。胎元有毒也。鵝口口瘡者。胃中濕熱也。重舌木舌者。脾經實火也。胎驚夜啼者。邪熱乘心也。變蒸發熱者。胎毒將散也。丹毒者。火行於外也。蘊熱者。火積於中也。中惡者。外邪乘也。睡驚者。內火動也。病者腹中食積也。瘡者。腸上痰結也。外感發

熱者。鼻塞聲重也。內傷發熱者。口苦舌乾也。心痛者。蟲所
噉也。癰痛者。寒所鬱也。積有常所有形之血也。聚無定位。
無形之氣也。胃者。主納受也。脾者。主運化也。脾胃壯實。則
四體安康。脾胃虛弱。則百病蜂起。幼幼科者。可不以調理
脾胃爲切要哉。

臍風

臍風者。由斷臍之後。水洗失宜。以致水濕之氣。流入心包
絡間。或當風解脫。爲風邪所襲。以致貫臟。傷腸。臍突腫爛。
身體重着。四肢柔直。多啼不乳。唇青口撮。而出白沫。先撮
口而漸成驚。曰名臍風。若臍邊紫黑撮口不開。是爲內搐。

不治。甚至啼叫不止。臍邊青黑。弩出胸翻。項軟乳不通喉。四肢皆厥。寒嘔涎生。口乾內搐。爪甲皆黑。握拳噤口。尤爲死候也。更有熱在胸堂。伸引弩氣。亦令臍腫。若臍中不乾。常出青黃水者。此亦初生有傷六腑耳。宜藥摻之。但此時僅如血塊。不可用腦麝之膏貼之。并忌大寒大熱之劑。蓋肌肉未堅。臟腑柔脆。難以抵當耳。

臍風等症。須看上腭。如有白泡點子。須用銀針輕輕拭破。若有血出者可愈。然最危候。十難一二。能過一臘方愈。尤宜察色觀容。不可鹵莽。假如額赤。知爲心熱。鼻紅知爲肺熱。左腮青知爲肝有餘。右腮白知爲脾不足。頰白知爲腎

虛。有臍突可畏者。是因在胎。母多驚悸。或因過食熱毒之物。致生之日。兒因胸堂有熱。是以頻頻伸引。呃呃作聲。弩張其氣。抑入於中。故臍突耳。然臍爲根本。風濕防護須嚴。一有所失。則臍腫不乾。久而作搐。入於經絡。卽成氣項。并撮口臍風。皆爲惡候。故宜預用軟綿包指。頻拭口中牙根之上。有筋兩條。便將竹刀輕輕剖斷。以猪乳點之。又宜察看臍上一有赤脉直上。卽於赤脉盡頭之處。以灸三壯。此皆預防良法也。

一凡小兒落胎之時。視其臍軟者。無臍風也。如臍硬直者。定有臍風。速宜預治。

撮口

撮口者。因胎受風熱。初生又感風邪。入臍流毒心脾而致也。然胎風臍風等症。皆令氣促舌強。撮口如囊而不乳。病原相類。候亦相同。發則面目黃赤。撮口不乳。氣促喘急。啼聲不出。舌強唇青。聚口撮面。飲乳有妨。治宜疏利。故書曰。小兒初生。血脉未歛。肌肉猶血。血凝且堅。方成肌骨。血若治敗。則不成肌肉。致令面目皆黃。閉目口撮。是皆血脉不歛也。總由在母胎中。挾於風熱。既生之後。氣血未調。當風洗浴。風入心脾。皆能撮口。因腸胃閉塞。鬱結於中。是以腹中脹滿。肚上青筋。撮口不乳。勢甚危急。若不速與利下。則